

JU Biblioteka Sarajeva

[Info](#)

[Historijat](#)

[Odjeljenja](#)

[Službe](#)

[Uvjeti korištenja](#)

[bibliotečkih usluga](#)

[Članstvo](#)

Sarajevo, maj 2012.

JU BIBLIOTEKA SARAJEVA

info

Biblioteka Sarajeva je javna kulturna ustanova čiji je osnivač Kanton Sarajevo. Uz manje statusne izmjene uspješno je prošla svoj razvojni put do današnje, moderno organizirane biblioteke. Kao institucija od posebne društvene važnosti ima značajnu ulogu u doprinosu unapređenja obrazovnog nivoa stanovništva i očuvanju kulturne baštine. Dobitnik je brojnih zahvalnica, nagrada i priznanja od kojih su najznačajnije: Priznanje Kulturno-prosvjetne zajednice BiH (1969.), Spomen plaketa grada Sarajeva (1970.), Zahvalnica Organizacionog komiteta XIV Zimskih olimpijskih igara

u Sarajevu (1984.), Šestoaprilska nagrada grada Sarajeva (1987.) i druge.

Biblioteka je do sada razvila mrežu od 16 pozajmnih odjeljenja, u čijem sklopu su još i Centralna čitaonica, Dječija čitaonica, Njemačka čitaonica i Američki kutak. Pored rada sa čitaocima svih struktura u pozajmnim odjeljenjima, u Biblioteci se obavljaju i drugi, Zakonom o bibliotečkoj djelatnosti predviđeni poslovi – sistematsko i organizirano prikupljanje, obnavljanje, čuvanje i stručna obrada bibliotečke građe; zaštita stare i rijetke knjige; matična djelatnost; unapređivanje je-

dinstvenog bibliotečko-informacionog sistema i slično. Posjeduje vrijedne kolekcije knjiga od kojih se neke ubrajaju u spomenike kulture. Kao posebni fondovi izdvajaju se *Zavičajna, Sarajevska* i *Spomenička zbirka*, fond strane knjige, multimedijalna građa, te zbirke edukacionih sredstava za najmlađe.

Zahvaljujući modernim tehnologijama i uvođenjem programskog servisa COBISS/BiH postignuta je veća brzina pristupa informacijama i omogućeno uvođenje automatizirane pozajmice. Time je ostvaren suvremen način

rada u kojem su svi postojeći bibliotečki resursi, uključujući knjižne, tehničke i ljudske potencijale, na najneposredniji način stavljeni na uslugu svim našim korisnicima.

U ovoj brošuri, koja istovremeno služi i kao vodič kroz našu ustanovu, nalaze se osnovne informacije o Biblioteci, stručnim Službama, pozajmnim odjeljenjima, te uvjetima korištenja bibliotečkih usluga. Svima, koji se odluče posjetiti Biblioteku Sarajeva, želimo uspješnu suradnju.

Vaša Gradska

HISTORIJAT



info

1947. god.

Osnovana Narodna biblioteka "Hasan Kikić". Prvobitno locirana u istočnom dijelu Starog Grada, na Bistriku, i smještena u manju prostoriju vakufske zgrade, počinje svoj rad sa skromnim knjižnim fondom od 350 poklonjenih knjiga.

1956. god.

Biblioteka ima deset pokretnih biblioteka koje uspješno rade na području Bistrika, Hrida, Širokače, Skenderije, Medrese i Kovača (rubni dijelovi Sarajeva).

1956. god.

Narodna biblioteka „Hasan Kikić“ usvaja moderne međunarodne principe stručnog rada, prelazi na obradu bibliotečke građe prema univerzalnoj decimalnoj klasifikaciji (UDK) i ima slobodan pristup knjižnom fondu. Tih godina Biblioteka je najbolje stručno i organizaciono uređena javna biblioteka u gradu.

1961. god.

Izvršeno spajanje rejonskih biblioteka: "Bistrik", "Ognjen Prica", "Vasin Han" i "Vratnik" u Centralnu biblioteku „Hasan Kikić“. Kao zasebna biblioteka otvorena je Dječija biblioteka "Vlatko Foht".

1962. god.


Biblioteke "Silvije Strahimir Kranjčević" i "Vladimir Perić Valter" integrirane u centralnu biblioteku "Hasan Kikić". Biblioteka preseljava u zgradu bivše osnovne škole u ulici Otokara Keršovanija (današnja Obala Maka Dizdara).

1963. god.

Formiran Omladinski literarni klub "Hasan Kikić".

1966. god.

Integracijom biblioteka "Petar Kočić", "Vladimir Nazor" i "Marko Marković", osniva se Biblioteka Novo Sarajevo.



1970. god.

Spomen plaketa grada Sarajeva.

1979. god.

Integracijom Narodne biblioteke Novo Sarajevo, Doma kulture "Vaso Pelagić" i Pionirskog centra "Boško Buha", nastaje Narodna biblioteka "Branko Ćopić".

1987. god.

Šestoaprilaska nagrada grada Sarajeva.

1988. god.

Narodna biblioteka „Hasan Kikić“ određena za obavljanje matičnih poslova bibliotečke djelatnosti.

1990. god.

Integracija tri najveće gradske biblioteke: Narodna biblioteka „Branko Ćopić“, Narodna biblioteka „Hasan Kikić“ i Dječija biblioteka „Matko Foht“; zvanično počinje sa radom današnja Biblioteka Sarajeva.

1992. – 1995. god.

Tokom rata uništeno oko 150.000 knjiga, arhiva Biblioteke, veliki dio poslovnih prostora, inventara i tehničke opreme. Ipak, najvredniji fondovi Biblioteke Sarajeva sačuvani su u cijelosti.

1997. god.

Biblioteka uključena u Kooperativni online bibliografski sistem - COBISS.

2007. god.

Objavljena monografija: "60 godina Biblioteke grada Sarajeva".

2009. god.

Biblioteka je pokrenula projekat "Književna srijeda" - programi koji promoviraju djela bosanskohercegovačkog i svjetskog književnog stvaralaštva.

2010. god.

Biblioteka Sarajeva radi na projektu digitalizacije knjiga i druge građe iz kulturne baštine Bosne i Hercegovine.




info Služba za rad sa korisnicima bibliotečkih usluga i kulturno-zabavne djelatnosti

Služba za rad sa korisnicima bibliotečkih usluga i kulturno-zabavne djelatnosti organizira rad sa korisnicima svih uzrasta i struktura koji se odvija u našim pozajmnim odjeljenjima. Svojim članovima, pored fonda u slobodnom pristupu, nudi i posebno čuvanu bibliotečku građu pohranjenu u specijalnim depoima i dostupnu u čitaonicama. Bibliotekari-informatori pružaju stručnu pomoć u pronalaženju odgovarajuće literature za tematske

zahtjeve, referate, maturske, seminarske i studentske radove, pomažu pri korištenju kataloga, vrše usluge rezervacije i daju relevantne informacije o fondovima JU Biblioteke Sarajeva. Lisni katalogi (abecedni i stručni), kao i online elektronske baze podataka (www.bgs.ba i www.cobiss.ba), dostupni su svim našim korisnicima.



adresa: Mis Irbina 4;
 tel: 033 444 580 / 268 410;
 radno vrijeme: svakim radnim
 danom: 08.00–16.00;
 voditelj Službe: Amela Đelilović-Malešević
 (amela.delilovic@bgs.ba)



Odjeljenje 1 – Centralno odjeljenje

Centralna Čitaonica

Odjeljenje I – Centralno odjeljenje je naš najveći pozajmni odjel i nalazi se u prizemlju matične zgrade u centru grada. Prvenstveno je namijenjen odraslim čitateljima i korisnicima koji imaju kompleksnije zahtjeve (studenti, profesori, naučni radnici i sl.). Pored bogatog fonda domaće i svjetske književnosti, ima i posebno odvojen odjel stručne literature iz svih oblasti prirodnih i društvenih nauka. U ovom odjeljenju smješten je i centralni katalog JU Biblioteke Sarajeva.

Centralna čitaonica nalazi se na drugom spratu matične zgrade i raspolaže kapacitetom od 24 čitalačka mjesta. Moderno je opremljena i pruža ugodan ambijent za boravak i učenje. U čitaonici je dostupna sva bibliotečka građa koja se inače ne nalazi u slobodnom pristupu i koja je arhivirana u depoima Biblioteke: referentna građa iz svih oblasti znanja; priručna literatura (enciklopedije, leksikoni, rječnici, atlasi itd.); dio stručne literature; posebne zbirke i kolekcije; časopisi, periodične publikacije, dnevni listovi: Dnevni avaz, Nezavisne novine, Oslobođenje, San i dr.



adresa: Mis Irbina 4;
tel: 033 444 580 / 208 909;
radno vrijeme: svakim radnim danom:
08.00–20.00;

prva subota u mjesecu: 09.00–14.00;
osoblje Odjeljenja: Emira Kulenović,
Binasa Berberović, Dženana Hadžiabdić;
osoblje Čitaonice: Fata Duraković, Šefika
Bogunić, Lejla Čaušević



info Odjeljenje 2

Odjeljenje 2 je mješovito pozajmno odjeljenje namijenjeno korisnicima svih uzrasta. Dio općeg fonda, osim obavezne lektire za učenike osnovnih i srednjih škola, sadrži i izabrane naslove lijepe književnosti za djecu i odrasle, te nešto manji fond naučno-popularne i stručne literature (uglavnom iz oblasti društvenih nauka).

Odjeljenje 3 – Multi-medijalni centar “Mak”

Odjeljenje 3 – Multimedijalni centar “Mak” jedno je od naših reprezentativnijih odjeljenja. Opremljen najsuvremenijom tehnikom i kapaciteta od 100 sjedećih mjesta, pruža mogućnost realizacije različitih programskih aktivnosti – od promocija, preko izložbi, muzičkih i dramskih izvedbi, sve do projekcije filmova i drugog multimedijalnog sadržaja. U ovom odjeljenju smješten je Internet klub, a u knjižnom fondu (Hit biblioteka) zastupljena su najaktuelnija i najvrjednija djela domaće i svjetske književne produkcije.



adresa: Višnjik 46;
tel: 033 203 734;
radno vrijeme: ponedjeljak, utorak,
četvrtak, petak: 08.00–16.00;
srijeda: 11.00–18.00;
osoblje Odjeljenja: Emina Aličić



adresa: Alipašina 6a; tel: 033 260 520;
radno vrijeme: ponedjeljak,
utorak, četvrtak, petak: 08.00–16.00;
srijeda: 11.00–18.00;
osoblje Odjeljenja: Selma Dalipagić,
Esma Tahmišćija



Odjeljenje 4

Njemačka čitaonica (Goethe Institut)

Odjeljenje 4 je pozajmno odjeljenje mješovitog tipa. Osim obavezne školske literature za učenike osnovnih i srednjih škola, ovdje se nalazi i poseban odjel namijenjen najmlađim čitaocima u kojem je smještena dječija književnost i slikovnice. Najveći dio fonda predstavljaju djela domaće i svjetske književnosti, te stručna literatura iz književnih i historijskih nauka. U sklopu ovog odjeljenja je i Njemačka čitaonica.

Njemačka čitaonica (Goethe Institut) djeluje u sastavu JU Biblioteke Sarajeva od 1996. godine. Kao dio Goethe Instituta Njemačka čitaonica ima aktivnu ulogu u pridobijanju prijatelja Njemačke i njegovanju njemačkog jezika i kulture. Posjeduje fond od oko 6.000 publikacija (uglavnom na njemačkom jeziku) iz oblasti književnosti, nauke, umjetnosti, historije, te veliki broj priručne i referentne literature, stručnih i popularnih časopisa, dnevnih novina i multimedijalne građe.



adresa: Ćumurija 2;

tel: 033 203 876 / 268 410;

radno vrijeme: ponedjeljak, utorak,
četvrtak, petak: 08.00–16.00;

srijeda: 11.00–18.00;

osoblje Odjeljenja: Indira Terzić,
Hadžira Hasanović;

osoblje Njemačke čitaonice:
Umihana Bavčić



info Odjeljenje 5

Odjeljenje 5 je dječije odjeljenje koje uz slikovnice i pojmovnike namijenjene djeci predškolskog uzrasta, posjeduje i veliki izbor dječije književnosti i obavezne lektire. Tu je i čitaonica sa 20 čitalačkih mjesta, kao i čitalački klub za najmlađe – “Brljoteka”, u kojem aktivno djeluju literarna i dramska sekcija. U ovom odjeljenju smješteni su još Dječija čitaonica i Američki kutak.



adresa: Radićeva 7;
tel: 033 203 760;
radno vrijeme: svakim radnim danom: 08.00–18.00;
prva subota u mjesecu: 09.00–14.00;
osoblje Odjeljenja: Jasmina Klico,
Vesna Čopra

Dječija čitaonica

Dječija čitaonica pruža ugodan boravak našim najmlađim sugrađanima. U ovoj čitaonici zastupljeni su razni obrazovni, kulturni i programski sadržaji koji su prilagođeni djeci predškolskog uzrasta. Djeca ovdje listaju slikovnice; slušaju, prepričavaju i izmišljaju priče i pjesmice; sudjeluju u kreativnim radionicama; modeliraju i crtaju; glume, plešu i sviraju zajedno sa svojim vršnjacima i slično; a sve to da bi obogatili svoje znanje i razvili vlastitu kreativnost još u najranijem dobu.



tel: 033 203 760;
radno vrijeme: svakim radnim danom: 10.00–13.00;
osoblje Dječijeg odjeljenja: Suzana Dedić (suzana.dedic@bgs.ba)



Američki kutak (American Corner)

Američki kutak (American Corner) je zajednički projekt JU Biblioteke Sarajeva i Ambasade Sjedinjenih Američkih Država u Bosni i Hercegovini. Posjeduje knjižni fond od preko 2.000 naslova na engleskom jeziku, zatim časopise i dnevne novine iz SAD-a, vrijednu zbirku američkih dokumentarnih i klasičnih filmova, Internet klub sa šest računara, čitaonicu, te info-punkt. U prostranom i ugodnom ambijentu ovog odjela održavaju se i razne programske aktivnosti.



tel: 033 552 095;
radno vrijeme: svakim radnim
danom: 08.00–16.00;
osoblje Američkog kutka:
Amra Pandžo (amra.pandzo@bgs.ba)



info Odjeljenje 6

Odjeljenje 6 raspolaže velikim izborom knjižnog fonda koji je prilagođen svim kategorijama korisnika. Odjeljenje ima dobru saradnju s pedagogima i nastavnicima obližnjih osnovnih škola, kao i dječijeg vrtića koji je smješten u neposrednoj blizini biblioteke.



adresa: **Žrtava fašizma 1;**
 tel: **033 203 549;**
 radno vrijeme: **ponedjeljak, utorak,**
četvrtak, petak: 08.00–16.00;
srijeda: 11.00–18.00;
 osoblje Odjeljenja: **Aida Đuzel, Berina**
Bašić - Hasanagić

Odjeljenje 7

Odjeljenje 7 je mješovito pozajmno odjeljenje koje pored fonda u slobodnom pristupu posjeduje i dio bibliotečke građe (leksikoni, rječnici, enciklopedije...) namijenjene samo za korištenje u čitaonici, kapaciteta deset čitalačkih mjesta. U prostorijama ovog odjeljenja nalazi se i manji depo u kojem je smještena periodika (Službeni list FNRJ od 1948.–1989.; Borba od 1946.–1990.; Politika 1940.–1989...).



adresa: **Omladinskih radnih brigada 2;**
 tel: **033 464 294;**
 radno vrijeme: **svakim radnim danom:**
08.00–18.00; prva subota u mjesecu:
09.00–14.00;
 osoblje Odjeljenja: **Fadila Franca, Vesna**
Bukal



Odjeljenje 8

Odjeljenje 8 namijenjeno je svim kategorijama čitalaca. U slobodnom pristupu dostupna je biblioteka građa dječije književnosti i obavezne lektire za osnovne i srednje škole, zatim popularna djela domaće i svjetske književnosti, kao i beletristika i stručna literatura (uglavnom iz oblasti društvenih nauka).

Odjeljenje 9

Odjeljenje 9 je pozajmno odjeljenje mješovitog tipa koje u slobodnom pristupu bibliotekoj građi nudi svojim korisnicima bogat knjižni fond. Posjeduje posebne odjele dječije književnosti, odjel obaveznih lektirnih izdanja, odjel za odrasle, te nešto manji odjel stručne knjige. Tu se nalazi i čitaonica sa deset čitalačkih mjesta koja je snabdjevena priručnom i referentnom literaturom.





adresa: Paromlinska 44;
tel: 033 640 976;
radno vrijeme: svakim radnim danom:
08.00–18.00;
osoblje Odjeljenja: Amira Pelegrini

adresa: Trg nezavisnosti 13;
tel: 033 455 612;
radno vrijeme: svakim radnim
danom: 08.00–18.00;
prva subota u mjesecu: 09.00–14.00;
osoblje Odjeljenja: Zehra Druško

Mreža pozajmnih odjeljenja Biblioteke Sarajeva

info





dizajn karte: adnansuljkanović

1
Mis Irbina 4

2
Višnjik 46

3
Alipašina 6a

4
Ćumurija 2

5
Radićeva 7

6
Žrtava fašizma 1

7
Omladinskih
radnih brigada 2

8
Paromlinska 44

9
Trg nezavisnosti 13

10
Džemala Bijedića 66

11
Hadželi 151

12
Grbavička 33

13
Mustafe
Dovadžije 17

14
Trg ZAVNOBIH-a 17

15
Kasima Hadžića 6

16
Hrasnička cesta 8

1 Centralna čitaonica

4 Njemačka čitaonica

5 Američka čitaonica

5 Dječija čitaonica



info Odjeljenje 10

Odjeljenje 10 prilagođeno je svim profilima korisnika. Osim obavezne lektire za učenike osnovnih i srednjih škola, tu se nalazi i veliki izbor djela iz lijepe književnosti domaćih i stranih autora, kao i aktualna zabavna i naučno-popularna knjiga suvremenih svjetskih pisaca, te poseban odjel stručne literature.

Odjeljenje 11

Odjeljenje 11 nalazi se u Hadžićima i namijenjeno je svim uzrastima i strukturama čitalaca. Posjeduje odvojene odjeljke dječije knjige, lektirnih izdanja, popularne književnosti, beletristike, te dio stručnog fonda (uglavnom iz oblasti društvenih nauka). U ovom odjeljenju nalazi se i manja čitaonica sa osam čitalačkih mjesta.



adresa: Džemala Bijedića 66;
tel: 033 649 365;
radno vrijeme: ponedjeljak, utorak,
četvrtak, petak: 08.00–16.00;
srijeda: 11.00–18.00;
osoblje Odjeljenja: Nada Pivač



adresa: Hadželi 151 – Hadžići;
tel: 033 421 534;
radno vrijeme: ponedjeljak, utorak,
četvrtak, petak: 08.00–16.00;
srijeda: 11.00–18.00;
osoblje Odjeljenja: Samir Klinac



Odjeljenje 12

Odjeljenje 12 je mješovito pozajmno odjeljenje i raspolaže bogatim knjižnim fondom. Pored lektirnih izdanja za učenike osnovnih i srednjih škola, posjeduje i veliki izbor djela dječije književnosti i slikovnica, kao i aktuelne i vrijedne naslove popularne književnosti, beletristike te fond stručne literature.



adresa: Grbavička 33;

tel: 033 610 339;

radno vrijeme: ponedjeljak, utorak,
četvrtak, petak: 08.00–16.00;

srijeda: 11.00–18.00;

osoblje Odjeljenja: Vaska Sotirov -
Đukić, Muzafera Tahirović

Odjeljenje 13

Odjeljenje 13 jedno je od novootvorenih pozajmih odjeljenja. Posjeduje odvojene fondove za predškolski uzrast i učenike osnovnih škola, zatim knjižni fond namijenjen starijoj populaciji, te fond stručne literature od koje su najviše zastupljeni naslovi iz oblasti društvenih nauka. U ugodnom ambijentu ovog odjeljenja smještena je i manja čitaonica sa osam čitalačkih mjesta, u kojoj je dostupna priručna i referentna građa.



adresa: Mustafe Dovadžije 17;

tel: 033 533 122;

radno vrijeme: ponedjeljak, utorak,
četvrtak, petak: 08.00–16.00;

srijeda: 11.00–18.00;

osoblje Odjeljenja: Arijana Pandžo



info Odjeljenje 14

Odjeljenje 14 je pozajmno odjeljenje mješovitog tipa. Knjižni fond čine djela domaće i svjetske klasične literature, namijenjene za obaveznu lektiru osnovnih i srednjih škola, zatim djela popularne književnosti i beletristike za sve uzraste, te nešto manji fond stručne literature iz oblasti prirodnih i društvenih nauka.

Odjeljenje 15

Odjeljenje 15 namijenjeno je korisnicima svih uzrasta i struktura. U sklopu ovog odjeljenja nalazi se i manja čitaonica sa osam čitalačkih mjesta. Osim knjižnog fonda u slobodnom pristupu, tu je i uži izbor priručne i referentne literature, kao i dnevna štampa (Dnevni avaz, Oslobođenje) koja je dostupna u čitaonici. U ovom odjeljenju smješten je i legat Ramiza Mehulića sa 576 knjiga.



adresa: Trg ZAVNOBiH-a 17;
tel: 033 461 097;
radno vrijeme: ponedjeljak, utorak,
četvrtak, petak: 08.00–16.00;
srijeda: 11.00–18.00;
osoblje Odjeljenja: Sabina Ožegović



adresa: Kasima Hadžića 6;
tel: 033 642 209;
radno vrijeme: ponedjeljak, utorak,
četvrtak, petak: 08.00–16.00;
srijeda: 11.00–18.00;
osoblje Odjeljenja: Amina Čenanović



Odjeljenje 16

Odjeljenje 16 nalazi se na Ilidži i dio je pozajmne mreže mješovitih odjeljenja. Knjižni fond je razvrstan u posebne odjeljke i sadrži literaturu prikladnu najmlađim čitaocima (slikovnice, dječija književnost), obaveznu lektiru za učenike osnovnih i srednjih škola, zatim popularnu književnost i beletristiku namijenjenu odraslim korisnicima, stručnu literaturu iz oblasti prirodnih i društvenih nauka, te poseban fond naučnih i teorijskih publikacija na engleskom jeziku.



adresa: Hrasnička cesta 8 – Ilidža;

tel: 033 636 816;

radno vrijeme: ponedjeljak, utorak,

četvrtak, petak: 08.00–16.00;

srijeda: 11.00–18.00;

osoblje Odjeljenja: Almir Kadić



info Služba za zavičajnu zbirku i bibliografiju

Služba za zavičajnu zbirku i bibliografiju prikuplja, organizira i stručno obrađuje Zavičajnu zbirku kao i ostale specifične kolekcije koje se svojim sadržajem odnose na područje grada Sarajeva i njegove okoline. Zavičajna i Sarajevska zbirka, kao i Spomenička i Sitna štampana građa, koja se čuva u posebnim depoima Biblioteke Sarajeva, predstavlja ujedno najrepresntativniji i najvrjedniji dio našeg fonda. Tu

posebno izdvajamo: Sarajevski cvjetnik (1868.–1872.), Glasnik Zemaljskog muzeja (1888.), Prvu čitanku – izdanje Vilajetske štamparije (1868.); zatim Bosansku vilu, Narodnu pravdu, Vakaf, Behar, Novi Behar i druge serijske i monografske publikacije, kao i rukopise, plakate i ostali bibliotečki materijal koji je danas od značajne kulturno-historijske vrijednosti.



adresa: Mis Irbina 4;

tel: 033 444 580 / 202 186;

radno vrijeme: svakim radnim danom:

08.00–16.00;

voditelj Službe: Alma Sarajlić

(alma.sarajlic@bgs.ba)




Služba za stručnu obradu bibliotečke građe

Služba za stručnu obradu bibliotečke građe vrši prijem i tehničku obradu bibliotečke građe, te obavlja poslove stručne obrade: katalogizacija, klasifikacija i predmetizacija bibliotečke građe; formiranje, revidiranje i ažuriranje bibliotečkih kataloga; kolacioniranje kataloških listića; raspoređivanje i distribuciju bibliotečke građe; informiranje bibliotečkih djelatnika na pozajmnim odjeljenjima; pripremu revizije fonda; praćenje izdavačke djelatnosti i suradnja sa izdavačima.



adresa: Mis Irbina 4;
 tel: 033 444 580 / 202 159;
 radno vrijeme: svakim radnim danom:
 08.00–16.00;
 voditelj Službe: Emira Marić-Jašarević
 (emira.m.j@bgs.ba);
 osoblje Službe: Aida Rašidović, Esma
 Bajraktarević - Rožman, Midhad
 Kurtović, Melisa Bihorac, Renata Kapo



info Služba za razvoj, matične poslove i edukaciju

Služba za razvoj, matične poslove i edukaciju podržava sve projekte razvoja i unapređenja Biblioteke i aktivno prati suvremeni razvoj bibliotečke djelatnosti u svijetu. U domenu obavljanja matične funkcije, vodi evidenciju i pruža stručnu pomoć samostalnim bibliotekama i bibliotekama u sastavu, te priprema i organizira skupove, simpozije i seminare za kontinuirano obrazovanje i stručno usavršavanje u bibliotečkoj struci.



adresa: Mis Irbina 4;
tel: 033 444 580 / 217 452;
radno vrijeme: svakim radnim danom:
08.00–16.00;
voditelj Službe: Hatidža Demirović
(hatidza.demirovic@bgs.ba)

Služba za marketing i izdavačku djelatnost

Služba za marketing, izdavačku djelatnost i informisanje zadužena je za plasman bibliotečkih usluga i izdavačke produkcije Biblioteke Sarajeva, kao i za propagandu njene cjelokupne djelatnosti. Služba radi i na projektu digitalizacije zbirki starih i rijetkih knjiga, serijskih publikacija, dokumenata i druge građe o Sarajevu i Bosni i Hercegovini.



adresa: Mis Irbina 4;
tel: 033 444 580;
radno vrijeme: svakim radnim danom:
08.00–16.00
voditelj Službe: Narcis Saračević
(narcis.saracevic@bgs.ba)



Služba za pravne i opće poslove

Služba za pravne i opće poslove obavlja sve pravne i opće poslove i organizira rad ostalih Službi u skladu sa mogućnostima Biblioteke i potrebama korisnika. Također, osigurava zaštitu i održavanje cjelokupne imovine Biblioteke.



adresa: Mis Irbina 4;

tel: 033 444 580;

radno vrijeme: svakim radnim danom:

08.00–16.00;

Stručni suradnik za pravne i opće poslove:

Anđelka Kuliš (andelka.kulis@bgs.ba);

osoblje Službe: Alma Potura, Dobriša

Konjicija, Đulsa Dahija, Emira Lekić,

Hata Šehović, Munevera Velić, Nafija

Mustajbašić, Pemba Delibašić, Rasema

Podrug

Služba za poslove računovodstva i knjigovodstva

Služba za poslove računovodstva i knjigovodstva prati rad Biblioteke u ovoj oblasti i osigurava finansijsko poslovanje u skladu sa Zakonom o proračunima – budžetima Federacije BiH i Zakonom o Trezoru u Federaciji Bosne i Hercegovine, te ostalim zakonima koji propisuju finansijsko-računovodstveno poslovanje javnih ustanova.



adresa: Mis Irbina 4;

tel: 033 444 580 / 202 278;

radno vrijeme: svakim radnim

danom: 08.00–16.00;

Referent za računovodstvo: Mubera

Oprašić (mubera.oprasic@bgs.ba);

osoblje Službe: Erna Tabak



info Uvjeti korištenja bibliotečkih usluga

Usluge JU Biblioteke Sarajeva mogu koristiti samo članovi Biblioteke;

Korisnici Biblioteke mogu uz konsultaciju sa matičnim bibliotekarom koristiti sva pozajmna odjeljenja koja su u mreži JU Biblioteke Sarajeva, pod uvjetom da u drugim pozajmnim odjeljenjima nemaju zaduženu bibliotečku građu;

Ukoliko korisnik Biblioteke traži građu koja se trenutno ne nalazi u fondu, može pismenim zahtjevom izvršiti rezervaciju iste;

Bibliotečka građa izdaje se na period od 15 dana, odnosno 30 dana ako se radi o stručnoj literaturi;

Korisnik ima pravo produžiti rok za vraćanje pozajmljene bibliotečke građe;

Korisnik koji ne vrati na vrijeme pozajmljenu bibliotečku građu, dužan je platiti naknadu za svaki dan zakašnjenja. Visinu naknade i troškove opomene utvrđuje JU Biblioteka Sarajeva;

Korisnik je dužan čuvati pozajmljenu bibliotečku građu od oštećenja ili gubitka, u protivnom Biblioteka ima pravo naplatiti novčanu naknadu za oštećenu ili izgubljenju građu;

Izvan JU Biblioteke Sarajeva ne posuđuje se sljedeća bibliotečka građa: obavezni/ arhivski primjerak; sva građa koja se čuva



u specijalnim zbirkama: zavičajna zbirka; sarajevska zbirka; sitna građa (razglednice, fotografije, plakati, leci i sl.); sva građa izdana do 1945. godine – zbirka spomeničke građe; knjige koje sadrže vrijedne likovne priloge, crteže, geografske karte i sl.; priručnici (enciklopedije, leksikoni, rječnici, bibliografije, imenici itd.); serijske publikacije (novine, časopisi, zbornici itd.); posebni otisci i rariteti.

U iznimnim slučajevima Biblioteka može na temelju posebnog, pismenog zahtjeva odobriti posudbu spomenute građe izvan Biblioteke;

Na temelju pismenih zahtjeva korisnika Biblioteka izrađuje fotokopije i digitalizirane zapise građe koja se nalazi u njenom fondu, a u skladu sa Zakonom o autorском pravu te Zakonom o bibliotečkoj djelatnosti.



info Članstvo

Korisnik JU Biblioteke Sarajevo može postati svaki građanin Kantona Sarajevo, odnosno Bosne i Hercegovine ako ima stalno ili privremeno boravište na području Kantona Sarajevo;

Upis se može obaviti u bilo kojem pozajmnom odjeljenju JU Biblioteke Sarajevo;

Prilikom upisa u Biblioteku potrebno je predložiti ličnu kartu ili neki drugi identifikacijski dokument, a za djecu dokument roditelja ili staratelja;

Svaki korisnik mora imati svoju člansku kartu koju je dužan pokazati na zahtjev bibliotekara prilikom korištenja bibliotekarskih usluga;

Ukoliko korisnik izgubi člansku kartu, dužan je to prijaviti i tražiti da mu se izda duplikat;

Prava korisnika JU Biblioteke Sarajevo su neprenosiva.

Godišnja članarina za korištenje usluga JU Biblioteke Sarajevo:

- Pozajmna odjeljenja ----- 15,00 KM
- Američki kutak -----besplatno
- Njemačka čitaonica -----20,00 KM
- Dječija čitaonica ----- 50,00 KM

Iz naše digitalizirane kolekcije

NASLOV: Sarajevski cvjetnik

UREDNIK: Mehmed Šakir Kurtćehajić

IMPRESUM: Sarajevo : Vilajetska

štampanja, 1869.

FIZIČKI OPIS: 4 str. : 45 cm

“Sarajevski cvjetnik” (Gülşen-i saray) je bio poluzvanični političko-književni sedmični list u BiH. Štampan je u Vilajetskoj štampariji, a njegov osnivač i urednik bio je Mehmed Šaćir (Šakir) Kurtćehajić. Izlazio je u periodu od 26. 11. 1868. do 01. 07. 1872. godine.



NASLOV: Biser

UREDNIK: Musa Ćazim Ćatić


IMPRESUM: Mostar : Štampanija “Biser”, 1912.

FIZIČKI OPIS: 22 str. : 30 cm

“Biser”, list za širenje prosvjete među muslimanima Bosne i Hercegovine, pokrenut je u Mostaru 01. 06. 1912. godine. Izlazio je svega tri godine I (01. 06. 1912. - 12. 05. 1913.), II (01. 06. 1913. - 15. 06. 1914.) i III (1918). Početna zamisao uredništva da Biser djeluje kao petnaestodnevno glasilo samo je djelimično ostvarena. U prvoj godini jedino su broj I i dvobroj 2-3 izašli u tom ritmu, a svi ostali brojevi objavljeni su kao mjesečno glasilo. Pokretač i izdavač lista bio je Muhamed Bekir Kalajdžić.



info



AUTOR: Aleksa J. Popović
 NASLOV: Životopis znamenitih Sarajlija
 IMPRESUM: Sarajevo : Islamska dionička štamparija, 1910.
 FIZIČKI OPIS: 32 str. : 19 cm

“...od duže vremena zamišljao sam da iznesem na javnost životopis znamenitih Sarajlija, i to samo onih, koji su bili na glasu kao dobrotvori, evlije, naučenjaci i inače za vječnu uspomenu zaslužni ljudi, te sam priličan broj takovih sakupio, da ih postepeno u sveskama na javnost uznesem, a to činim sada samo sa trojicom četvoricom odabranih ljudi probe radi, da vidim kako će te biografije i knjižice kod šire publike primljene biti...”

(Iz knjige)



AUTOR: Jova Jakšić
 NASLOV: Životna pitanja Sarajeva: kao ekonomskog, saobraćajnog i kulturnog centra jugoslovenskog jugozapada
 IMPRESUM: Sarajevo : Bosanska pošta, 1931.
 FIZIČKI OPIS: 51 str. ; 24 cm

“Jedan veliki grad ne može se vještački ni stvoriti, ni održati. Za to moraju postojati objektivni uslovi, među koje na prvo mjesto treba metnuti povoljan geografski položaj. I najveći državni protekcionizam ili najveće šikaniranje u tome malo šta mogu učiniti. Velika je zabluda misliti da odrađivanje političkih i kulturnih centara na razvijanje gradova odlučno utiče...”

(Iz knjige)

AUTOR: Hamdija Kreševljaković
 NASLOV: Morići: Prilog povijesti Sarajeva
 IMPRESUM: Sarajevo : Islamska dionička
 štamparija, 1938.
 FIZIČKI OPIS: 30 str. : 20 cm



Lijepom broju bosansko-hercegovačkih porodica i pojedinih njihovih članova očuvao se spomen u narodnim pjesmama. Češće se spominju prezimena, a rjeđe dolazi ime i prezime. Od tih porodica neke su još uvijek brojne, od nekih opet živi samo po koji član, dok su neke potpuno izumrle. Nekoliko uglednijih sarajevskih porodica spominje se pretežno u ženskim narodnim pjesmama.

(Iz knjige)

AUTOR: Hamdija Kreševljaković
 NASLOV: Husein kapetan Gradašćević:
 Zmaj od Bosne
 IMPRESUM: Sarajevo : HKD Napredak,
 1931
 FIZIČKI OPIS: 30 str. : ilustr. ; 23 cm

“I nakon pada bosanskog kraljevstva 1463. i zemlje Hercegovine 1483. sve do polovice prošlog stoljeća vodilo je plemstvo glavnu riječ u ovim zemljama i po njemu i njegovim pravima i povlasticama imala je Hercegovina izniman položaj u osmanskom carstvu. Po dolasku Osmanlija prihvatilo je patarsko plemstvo i velik dio naroda dragovoljno islam, jer prisilne konverzije nije bilo. U narodnosnom pogledu nije se desila skoro nikakva promjena, pa je Bosna i za turske uprave potpuno očuvala svoj slavenski karakter.”

(Iz knjige)



Adresa:

Mis Irbina 4
71000 Sarajevo
Bosna i Hercegovina

Direktor:

Mesud Smajić
(mesud.smajic@bgs.ba)

Kontakt:

tel: + 387 33 444 580
fax:+ 387 33 265 030
e-mail: info@bgs.ba